

程本直墓記

清宣統年
東莞縣志

布衣程本直以上疏訟袁督師冤論死其作漩聲記云壬申之秋將赴西市願余棄市後復有一程本直者收余屍首並袁公遺骨合而葬之題其上曰一對癡心人兩條潑胆漢九原之下目為瞑也今京師袁督師墓右有一塋無碑碣相傳為從督師死者姓名不傳此當為程本直墓蓋好義者如其說葬之特無確證耳

往時曾見袁墓旁有一大塚當是此記所稱之程本直墓也此墓今已無存為之悵惘張次溪記

重修廣東新義園碑記

民國六年石存左安門內
龍潭廣東省民族先烈祠

法塔寺東南有地九十畝環以石椿其左窪下以繫以白者泉脈發焉潴為池沼其右岡空邱起伏如蟠龍如蹲虎中一古屋敝頹頹迤西門樓一座尚岿然存楣上石碣斑剝髣髴猶能辨識識文曰廣東新義園園胡為而新之將以蛻乎舊也舊義園為有明之粵東會館迨明中葉移之達摩廠天啟時既是地修之以為義園後迺更以墻環之地僅十畝餘歷年即深葬者櫛比嘉慶朝先達之官京者別購此地為新義園凡以便旅亡藏體魄也同光間鄧公華熙吳公桂丹先後曾葺兩園治之